

傷

寒

選

錄

三

新安祁門朴墅汪穉立彙

同邑石墅陳楠編藉

同邑和溪程鑄校正

亡陽 陰症自汗

自汗第六 附汗吐下後自汗

衛氣者護衛皮膚肥實腠理禁固津液不得妄泄邪氣干之則不能衛固于外由是津液妄泄澀比然潤熱上然出不因發散而自汗出也傷風則發熱自汗中暍則汗出惡風而暍風濕甚者則汗多而濡是風與暑濕為邪皆令自汗惟寒邪傷榮而不傷衛是以膚腠閉密汗不出也始雖無汗及傳入裏而為熱則榮衛通腠理閉亦令汗自出矣自

汗又有表裏之別虛實之異若汗出惡風及微惡寒者皆表未解宜發散至于濕不止而惡風及發汗後惡寒表虛也宜溫之此皆邪氣在表若汗出不惡風寒者此表解裏病下之則愈如陽明發熱汗出此爲執越及陽明發熱汗多急下之者是也自汗雖常症或汗出髮潤如油如貫珠着身不流皆爲不治必手足俱周遍身悉潤熱上然一時汗出熱已身涼乃爲佳兆

太陽自汗治例

解肌太陽病頭痛發熱汗出惡風脈緩者名中風桂枝湯一

太陽病頭痛發熱汗出惡風者桂枝湯主之

太陽病項背強几几反汗出惡風者桂枝加葛根湯

病常自汗出者此爲榮氣和榮氣和者外不諧以衛氣不共榮氣和諧故尔以榮行脉中衛行脉外復發其汗榮衛和則愈宜桂枝湯

註曰風則傷衛寒則傷榮衛受風邪而榮不病者爲榮氣和也衛既客邪則不能與榮氣和亦不能衛護皮膚是以常自汗出與桂枝湯解散風邪調和榮衛則愈

太陽中風陽浮陰弱陽浮者熱自發陰弱者汗自出晉上惡寒漸上惡風翕上發熱鼻鳴乾嘔桂枝湯一

病人臟無他病時發熱自汗出而不愈者此衛氣不和也先其時發汗則愈宜桂枝湯主之

太陽病發熱汗出者此爲榮弱衛強故使汗出欲救邪風者

宜桂枝湯一

形作傷寒其脉不弦緊而弱者必渴被火者必譫語弱者
發熱脉浮解之當汗出愈或云大柴胡湯四十麻黃湯二

溫風濕相搏骨節煩疼掣痛不得屈伸近之痛劇汗出短氣
小便不利惡風不欲去衣或身微腫甘草附子湯一百

心下痞復惡寒汗出者附子瀉心湯二三百

傷寒發熱汗出不解心中痞硬嘔吐下利大柴胡湯四十

太陽中風下利嘔逆表解者乃可攻之其人羸也汗出發作
有時頭痛心下痞硬滿引脇下痛乾嘔短氣汗出不惡寒
者此表解裏未和也十棗湯主之

註曰下利嘔逆邪在裏也可下亦須待表解乃可攻之
其人熱亡汗出發作有時不惡寒者表已解也頭痛心
下痞硬滿引脇下痛乾嘔短氣者邪氣內畜而有伏飲
是裏未和也與十棗湯下熱逐飲○葛根加半夏湯病
人服藥過多亦此症

刺傷寒發熱者亡惡寒大渴欲飲水必腹滿目汗出小便利
其病欲解此肝乘肺名曰橫刺期門

吳氏曰凡傷寒二三日發汗如水瀉曲池二穴刺委中
出血曲池針入七分委中以三稜針刺出血凡中寒腹
痛亦可刺之凡身寒骨節疼亦可刺之出血乃愈

救火逆太陽病反燥凡熨其背而大汗出大熱入胃亡中水

竭躁煩必發譫語十餘日振慄自下利者此為欲解故汗
從腰已下不得汗欲小便不得反嘔欲失溲足下惡風大
便硬小便當數而反不數及多大便已頭卓然痛其人足
心必熱穀氣下流故也先服桂枝湯一後調胃承氣湯五
九穀氣下流小和之小承氣湯五十
脉浮宜以汗解用火灸之邪無從出因火而盛病從腰已下
必重而痺名火逆也

註曰脉浮在表宜以汗解之醫以火灸取汗而不得汗
邪無從出又加火氣相助則熱愈甚身半以上同天之
陽身半以下同地之陰火性炎上則腰已下陰氣獨治
故從腰以下必重而痺也柴胡加龍骨牡蛎湯四十黃

連湯六十一

隨病治例傷寒脉浮自汗小便數心煩微惡寒脚卒急此症
象陽且與桂枝增劇何也此宜桂枝湯一加附子以溫經
若誤服桂枝致厥逆咽乾煩躁吐逆者作甘草乾姜湯與
之若厥愈足溫更作芍藥甘草湯其脚即伸若胃氣不和
譫語者少與調胃承氣湯若重發汗復加燒針宜四逆湯
趙氏曰有發汗漏風小便難與自汗小便數二証相近
似溫仲景亦恐後人誤認故重出一章間答以明之前
一証云太陽病發汗遂漏不止其人惡風小便難四肢
微急難以屈伸桂枝附子湯主之蓋是因邪發汗遂漏
不止乃服汗藥太過非自汗也惡風者餘邪未盡也小

便難四肢急爲亡津液筋失所養也乃汗多亡陽外虛
經氣病滯表邪不在裏也故宜附子溫經桂枝解表芍
藥益血舒筋也此又一証云蓋是脉浮爲虛也汗自出
微惡寒者陽虛無以衛外也小便數爲下焦虛寒不能
制水也心煩爲陰虛血少也脚挛急乃血爲汗奪筋無
以潤養也此初得病便自表裏俱虛外無陽証病不在
表固不得與桂枝同法設若誤用桂枝攻表重發其汗
是虛也也固得之便厥咽乾煩躁吐逆厥爲亡陽不能
與陰相順接咽乾爲津液寡煩躁吐逆爲寒格而上也
故宜乾薑以溫裏復陽甘草芍藥益其汗奪之血然後
可以復陰陽不足之氣得脚伸後或譫語者由自汗小

便數胃家先自津液乾少又服乾薑性燥之藥以致陽明內結譫語雖然非邪實大滿故但用調胃承氣以調之仍少與之也原其為藥甘草湯乃是厥愈是溫後專治兩脛孿急之藥非正治脉浮自汗出小便數之藥也今活人書却云芍藥甘草湯主脉浮自汗出小便數者何也又云通治誤服桂枝湯後病証仍存者愚不知病証何似可用如上仲景藥法蓋嘗復玩味而紬繹焉自常人觀之豈不曰自汗小便數証又無自利遽用乾薑溫之因而以致結燥譫語後却用芒硝大黃寒藥以解其熱似若失次使病家遇此必歸咎醫人以爲誤用乾薑執燥之失後藥解先之差矣殊不知仲景之意不患

新方知

乎乾薑之熱燥惟患乎正氣之虛正氣之長邪氣之所
由消也且自汗小便數等証爲表裏俱虛治法必先復
其陰陽不足之正氣然非乾薑芍藥甘草不可至於正
氣陰陽已復而內有所主則雖胃燥譫語不過大便秘
結大黃芒硝潤滑而去之而正氣內強不至下脫結燥
而正氣安矣以上用藥次第先熱後寒先補後瀉似逆
而實順非仲景之妙孰能至是哉後之學者可不以此
爲法推廣而應變各何暇辯病家之繆謗也耶

傷寒汗出而渴五苓散

七

不渴茯苓甘草湯

十一主之

註曰傷寒汗出而渴者亡津液胃燥邪氣漸傳裏也五
苓散以和表裏若汗出不渴者邪氣不傳裏但在表而

表虛與茯苓甘草湯和表合衛

太陽病未解脉陰陽俱停必先振慄汗出而解但陽脉微者
先汗出而解但陰脉微者下之而解若欲下之宜調胃承

氣湯

五十

註曰脉陰陽俱停無偏勝者陰陽氣和也經曰寸口關

上尺中三處大小浮沉遲數同等此脉陰陽為和平雖

列則愈今陰陽既和必先振慄汗出而解但陽脉微者

處不足而陰有餘也經曰陽虛陰盛汗之則愈陰脉微

者陰不足而陽有餘也經曰陽盛陰虛下之則愈○千

金云先汗出而解宜桂枝若下承氣湯或云大柴胡湯

陽明自汗治例

陽明法多汗亦有無汗者此不可不知

解肌問曰病得之一日不發熱而惡寒何也曰雖得之一日惡寒將自罷即自汗而惡熱矣桂枝湯

註曰邪客在陽明當發熱而不惡寒今得之一日猶不發熱而惡寒即邪未全入府尚帶表邪若表邪全入則更無惡寒必自汗出而惡熱也○惡熱邪入胃

陽明病欲食小便反不利大便自調其人骨節疼翕翕如有熱狀奄然發狂澼然汗出而解者此水不勝穀氣與汗共併脉緊則愈桂枝湯一主之此段發汗則愈

傷寒轉屬陽明者其人澼澼然微汗出也桂枝湯

註曰傷寒則無汗陽明法多汗此以傷寒邪轉系陽明故澼然微汗出

陽明脉遲汗出多微惡寒者表未解也桂枝湯

和解三陽合病腹滿身重難以轉側口不仁而面垢譫語遺
尿汗之則譫語下之則額上生汗手足逆冷若自汗者白
虎湯六十主之

註曰腹滿身重難以反側口不仁譫語者陽明也針經
曰少陽病甚則面微塵此面垢者少陽也遺尿者太陽
也三者以陽明症多故出陽明篇中三陽合病為表裏
有邪若發汗攻表則燥熱益甚必發譫語若攻裏表熱
乘虛內陷必額上汗出手足逆冷其自汗出者三陽經
熱甚也內經曰熱則腠理開榮衛通汗大泄與白虎湯
以解內外之熱也

陽明病汗多而渴者不可與猪苓湯以汗出多胃中燥猪苓湯腹利小便故也五苓散一百七十益元散白虎加人參湯二活人謂五苓甚非所宜誤也

註曰針經云水穀入口輸於腸胃別為五液天寒衣薄則為溺天熱衣厚則為汗是汗溺一液也汗多為津液外泄胃中乾燥故不可與猪苓湯利小便也

陽明病脇下硬滿不大便而嘔舌上白胎者可與小柴胡湯四十上焦得通津液得下胃氣因和澱然汗出而解也

註曰陽明病腹滿不大便舌上胎黃者為邪熱入府可下若脇下硬滿雖不大便而嘔舌上白胎者為邪未入府在表裏之間與小柴胡湯以和解之上焦則通則嘔

止津液得不則胃氣因和汗出而解

溫陽明若中寒不能食小便不利手足澀然汗出此欲作固瘕必大便初硬後溏以胃中冷水穀不別故也

註曰陽明中寒不能食者寒不殺穀也小便不利者津液不化也陽明病法多汗則週身汗出此手足澀然而汗出身無汗者陽明中寒也固瘕者寒氣結積也胃中寒甚欲留結而為固瘕則津液不得通行而大便必硬者若汗出小便不利者為實也此以小便利水穀不別雖大便初硬後必溏也○厚朴生薑甘草半夏人參湯吳茱萸湯理中湯

導法

陽明病自汗出若發汗小便自利者為津液內竭雖硬不可
攻之當須自欲大便宜密煎導而通之或土瓜根猪膽汁
二百皆可為導

註曰津液內竭腸胃乾燥大便因硬此非結熱故不可
攻宜以藥外治而導引之○亡津液雖字下必有大便
二字土瓜根則黃瓜根也

下陽明病發熱汗出此為熱越不能發黃但頭汗出身無汗
劑頸而還小便不利渴飲水漿此為瘀熱在裏身必發黃

茵陳湯

八十

問曰陽明病外証云何曰病身熱汗自出不惡寒反惡熱也

大承氣湯

五十